

**Bosna i Hercegovina**  
**Federacija Bosne i Hercegovine**  
**Tuzlanski kanton**  
**Općina Teočak**  
**Općinski načelnik**  
**Broj: 02-11-1423-8/22**  
**Teočak, 02.12.2022. godine**

Na osnovu člana 64. stav (1) tačka b), člana 70. Zakona o javnim nabavkama („Službeni glasnik BiH“ broj: 39/14), i člana 43. Statuta Općine Teočak („Službeni bilten općine Teočak broj: 5/08, 2/12 i 01/22), a u skladu sa Preporukom Komisije za javne nabavke broj: 02-11-1423-7/22, Općinski načelnik d o n o s i:

### **O D L U K U**

o rezultatima okončanog postupka javne nabavke i izboru najpovoljnijeg ponuđača

#### **Član 1.**

Prihvata se Preporuka Komisije za javne nabavke broj: 02-11-1423-7/22 od 02.12.2022. godine, ugovor za Nabavku LED rasvjete uz regionalnu cestu R456b od Centra općine do Mjesne zajednice Bilalići- Uzunovići dodjeljuje se ponuđaču: „Tuzex“ doo Tuzla po ponudi broj: 34-11/22 od 24.11.2022. godine za ponuđenu cijenu od **156.693,15 KM** bez PDV-a, vrijednost robe s obračunatim PDV-om je **183.330,99 KM**.

#### **Član 2.**

Prijedlog Ugovora dostavit će se na potpis izabranom ponuđaču: „Tuzex“ doo Tuzla, sa sjedištem u ulici Husinskih rudara 5-7, 75000 Tuzla.

#### **Član 3.**

Izabrani ponuđač je obavezan u roku od 5 (pet) dana od dana prijema Odluke o izboru dostaviti dokaze o činjenicama navedenih u Izjavama iz članova 45. i 47. Zakona o javnim nabavkama BiH, kao i korigovani Obrazac za cijenu ponude u skladu sa cijenom ponuđenom putem e-aukcije.

#### **Član 4.**

Za izvršenje ove odluke zadužuje se Služba za privredu, finansije, prostorno uređenje i civilnu zaštitu Općine Teočak.

## Član 5.

Ova odluka stupa na snagu danom donošenja, biti će objavljena na web stranici Općine Teočak [www.teocak.gov.ba](http://www.teocak.gov.ba) i dostavlja se svim ponuđačima koji su učestvovali u postupku javne nabavke shodno članu 71. stav (2) Zakona o javnim nabavkama.

### O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 02-11-1423-1/22 od 02.11.2022. godine. Javna nabavka je provedena putem otvorenog postupka za dostavu ponuda, broj obavještenja sa portala javnih nabavki: 98-1-1-64-3-26/22. Procjenjena vrijednost javne nabavke bez PDV-a je 156.850,00 KM.

Komisija za javnu nabavku koja je imenovana Rješenjem broj: 02-11-1423-3/22 od 04.11.2022. godine dostavila je Ugovornom organu kopiju Zapisnika o otvaranju ponuda broj: 02-11-1423-5/22 od 24.11.2022. godine, Zapisnik o pregledu i ocjeni ponuda broj: 02-11-1423-6/22 završen dana 02.12.2022. godine i Preporuku broj: 02-11-1423-7/22 od 02.12.2022. godine u postupku javne nabavke roba.

U postupku je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- ukupan broj pristiglih ponuda je 3 (tri) i to ponude od: „Ering“ doo Živinice, „Kop i ko“ doo Živinice i „Tuzex“ doo Tuzla;
- ukupan broj blagovremeno zaprimljenih ponuda je 3 (tri) i to ponude od: „Ering“ doo Živinice, „Kop i ko“ doo Živinice i „Tuzex“ doo Tuzla.

Kriterij za ocjenu ponuda je najniža cijena.

Tehnički, pravno i ekonomski gledano, ponude od ponuđača „Ering“ doo i „Tuzex“ doo su prihvatljive jer ispunjavaju sve tražene uslove tenderskom dokumentacijom. Ponuda od ponuđača „Kop i ko“ doo je ocijenjena kao neprihvatljiva iz sljedećih razloga:

- Ponuđač nije dostavio validne dokaze za ispunjavanje uslova iz tačke 5.4.2. stav b) tenderske dokumentacije za traženu svjetiljku klase zaštite II. Ponuđač je dostavio ENEC Certifikat za drugu svjetiljku koja nije u skladu sa traženim tehničkim karakteristikama;
- Iz tehničkog lista ponuđene svjetiljke nije moguće utvrditi da svjetiljka ispunjava zahtjevani minimum od 100.000 radnih sati uz uslov L90. Ponuđač je na dostavljenom tehničkom listu životni vijek deklarirao do 100.000 radnih sati što predstavlja njegov mogući maksimum, a isto tako nije vidljivo da li se taj životni vijek odnosi na svjetiljku, driver, prenaponsku zaštitu, LED modul ili kućište;
- Iz tehničkog lista nije moguće utvrditi da svjetiljka zadovoljava tražene tehničke karakteristike tj. protektor od termički ojačanog ravnog stakla, iz razloga što je na

tehničkom listu navedeno da je protektor izrađen od termički ojačanog kaljenog stakla ili polikarbonata.

Ukupne ponuđene cijene od ponuđača čije su ponude ocijenjene prihvatljivim su identične tj. „Ering“ doo Živinice i „Tuzex“ doo su dostavile ponude po cijeni od 156.850,00 KM bez pdv-a. Budući da su se stekli uslovi, u skladu sa tenderskom dokumentacijom i Pravilnikom o uslovima i načinu korištenja e-aukcije, zakazana je e-aukcija za dan 02.12.2022. godine s predviđenim početkom od 09:00h. Putem e-aukcije došlo je do umanjenja cijene za 0,1% ili 156,85 KM od strane ponuđača „Tuzex“ doo.

Komisija za javne nabavke je kao najpovoljniju ponudu ocijenila ponudu od ponuđača „Tuzex“ doo po cijeni od 156.693,15 KM tj. po ponuđenoj cijeni nakon održane e-aukcije, a sve u skladu sa Izvještajem o toku i završetku e-aukcije.

Komisija je dala preporuku Općinskom načelniku da prihvati ponudu najbolje rangiranog ponuđača „Tuzex“ doo Tuzla jer je ovom ponudom ponuđena cijena niža od procijenjene. U postupku donošenja ove Odluke, posebno su cijanjene činjenice da je Komisija pravilno i potpuno izvršila ocjenu kvalificiranosti ponuđača te ocjenu prisjelih ponuda, shodno kriterijima iz tenderske dokumentacije.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

### **Pouka o pravnom lijeku**

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.



Općinski načelnik

Tajib Muminović

Dostavljeno:

- Ponuđačima 3x
- a/a